

## Chin Mipi le Chin Ramkulh Hluttaw

## Report Kong

Hi report cu zeitluk indah Chin ramkulh ah ramkhel-aiawhnak le mipi teltumnak a um (*Understanding Political Representation and the Level of People Participation in Chin State*) timi kong thlanga chung tuahmi dothlatnak i a phichuak a si. United Kingdom, London hrambunh Global Research Network on Parliaments and People bawmhna in Chinbriedge Institute (Center for Research and Social Studies) nih 2018 August in December 2018 tiang dothlatnak a tuahmi report a si. Hi research (dothlatnak) i ai hmuitinh bikmi cu Chinram ah ramkhel aiawhnak le teltumnak kong theihhngalhnak karhter a si. Dothlatnak ah “**minung zeizat lakah zeizat nih cu ti an ti**” timi number hmanmi (quantitative structured survey) method le qualitative method timi mibu biaruahnak (focus-group discussion) le thup deuh biahalnak (informant interview) pawl cawh in hman a si. Hi dothlatnak cu Chin ramkulh huap in tuahmi a si caah Chin ramkulh chung peng kip ah survey biahalnak tuah a rak si i bialehtu dihlak 1015 renglo an si.

## Peng Hoih in Bialettu Zat

Hi Survey dothlatnak nih Chinram pengkua ning in a huap. Bialettu zapi lakah zatuak 12 cu Paletwa peng in an si i Kanpalet, Mindat, Thantlang le Tonzang he an i zat. Falam peng le Tedim peng an i zat ve i zatuak 10 veve an si. Cun Hakha in zatuak 13 an si i Matupi in zatuak 7 an si.

## Nan Aiawhtu Palai Aho Dah A Si Na Hngal Maw?


Chin ramkulh in peng 9 chung in minung 989 cu anmah ai-awhtu (MP) min hal an si tikah 989 chungah zatuak in 74% nih an ai-awhtu (MP) min an chim kho lo. 26% lawng nih an ai-awhtu min tha tein an chim khawh. Ai-awhmi mipi le ai-awhtu ramkhel riantuantu pehtlaihna a derthawn zia, hi number nih a langhter tiah ruahdamh khawh a si. Cuve bantukin MPs (ai-awhtu) cheukhat cu an ai-awhmi khua le tlang ah voikhat hmanh an kal bal ve lo tikah mipi tam-u nih ai-awhtu MPs min pawl an theih hna lo a si kho men. MPs le mip pehtlaihna ah chambaunak tampi a um. Lam a that lo pinah Hluttaw nih a herh zat in Hluttaw palai (MPs) pawl caah mawtaw tlamtling in a ngei ve rih lo.

Chinbridge Institute nih a tonmi MPs cheukhat lakah micheu cu an ai-awhmi khua voikhat hmanh a phan bal lo mi an um ve.

## Cazin le Thilcang (Data and Facts)

- ⇒ Chin State Parliament ah mipi nih thimmi aiawhtu palai (MP) 18 le mipi nih thim lomi (ralkap palai) 6 an um.
- ⇒ Mipi thimmi MP 18 lakah 12 cu NLD in an si, USDP in 3, ZCD in 2 le CLD in 1 an si.
- ⇒ Aiawhtu palai sinak le parliamentary committee chungtel sinak in zoh ahcun nu teltumnak zakuat pa-o (0%) lawng a si. Nu pakhat hmanh an um lo.
- ⇒ 2010 in 2018, May thla tiang ah Chin State Parliament nih phung/upadi 24 a ser/remh.
- ⇒ Chinmi 989 chung ah 74% nih aho dah an aiawhtu palai (MP) a si ti an hngal lo.
- ⇒ A luancia kum 8 chung ah thimfung thla khotu Chin mi chung in zatuak 75% nih thimfung an thlak.
- ⇒ Hi dothlatnak nih a hmuhmi cu Chinmi tam-u nih mipi kau deuh in i tel khawhmi awiawhnak (representation) phun an duh. Ai-awhmi mipi le ai-awhtu MPs tonbiaruahnak tampi tuah a herh zia hi dothlatnak nih a langher.

Figure 1: Do you know who your local MP is?



Chin Mipi le Chin Ramkulh Hluttaw

Chin Mipi Nih Democracy le Aiawhnak An I Fian Ning

Aiawhtu palai hlun, Pu Robin nih thimnak le aiawhnak hi an i pehtlai tiah a ti. A chimmi cu aiawhtu palai le mipi karlak pehtlaihnak cu zeitluk indah thimnak ah dinfelnak a um timi cung ah tampi aa hngat tiah a ti. Hi dothlatnak bialettu pakhat nihcun, “palai aa cuhmi pawl cu an i cuh lio ahcun a tha tukmi le zeipoh a hngal dihmi an lo nain thimnak dih cun a rak kan hlen diam ko” tiah a ti. Chinmi cheukhat nihcun aiawhtu palai pawl hi mipi thanchonak a ruat taktakmi an si lo tiah an hmuh hna.

Ramkhel Teltumnak (Political Participation among Chins)

Ramkhel cawlcangnak pawl hmuhter hna hnu ah bialettu pawl cu cubantuk cawlcanghnak ah an i tel le tel lo hal an si. Hmanthlak 1nak nih Chinmi nih ramkhel cawlcanghnak i an i tel bik ning phun 8 a langhter. Hmantlak 1nak ning in ram kong ceihnak le biachahnak ah thimfung thlagnak lawng hi Chin mipi tam u an i telnak lam a si. A luancia kum 8 chung ah Chinmi 75% nih thimfung an thlak. Asinatein, bialettu tam deuh pi nih a dang ramkhel cawlcanghnak ah kan i tel lo tiah an ti.





Figure 2: Top 8 Form of Political Participation

Asinain, dang ramkhel cawlcanghnak nakin Thimnak mipi teltumnak a sang deuh. Cheuli ah cheukhat denamang (22%) nih 2018 September thla hlan kum 8 chung ah midang kha party pakhat siloah palai pakhat kha mee thla ding in sawmnak le lunglaak kaa zuam ko tiah an ti i 14% nih thimnak lemsoinak (election campaign) ah voikhat tal ka bawmh bal ko hna tiah an ti.

Thimfung Thlatu Karh Tuk Dawh An Si Lo

Mi tampi nih a ra laimi thimnak ah thimfung thlak dawh ka si lo an timi le Chinmi chung ah ramkhel huamnak/laakci (political interest) a niam tik ah cozah le zatlang bu (CSO) pawl nih thimank lei theihhngalhnak tha an thawnter deuh dah ti lo ahcun a ra laimi 2020 thimnak ah thimfung thlatu an karh lai lo.



Hmanthlak 3nak nih dothlatnak tuah hlan kum 8 chung ah ramkhel cawlcanghnak ah kaa tel lo a timi le hmailei zong ah kaa tel lai lo a timi cazin a langhter. Mah cazin ning cun, thimfung thlagnak dah ti lo cu ramkhel cawlcanghnak level a let in silo hmanh ah a let nawn in a kai lai.